



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Epistolarvm Innocentii III. Romani Pontificis Libri Vndecim**

**Innozenz <III., Papst>**

**Parisiis, 1682**

Conrado Magvntino Archiepiscopo, Episcopo Sabinen.

**urn:nbn:de:hbz:466:1-20006**

ARCHIEPISCOPO HIDRYNTINO,  
& Episcopo Licienfi.

Epist. 198.  
Committitur  
illis causa Ar-  
chiepiscopi  
Tarentini  
contra Eccle-  
siam S. Mariæ  
de Galefo.

**S**ignificavit nobis venerabilis frater noster A. Tarentinus Archiepiscopus quòd cum Ecclesia sanctæ Mariæ de Galefo, sita prope civitatem Tarentinam, Ecclesiæ Tarentinæ parochiali jure subjecta esset, R. Logotheta Tarentinus in præjudicium juris Ecclesiæ Tarentinæ, quæ pernitiùm parochialibus terminis angustatur, à sede apostolica rescriptum exemptionis obtinuit, occasione cujus dictus Archiepiscopus non solum Ecclesia illa sed quibusdam aliis Capellis injustè se asserit destitutum. Quia verò apostolica sedes ab universis Ecclesiis injurias tenetur repellere, non inferre, mandamus vobis, præcipientes, quatenus ad locum ipsum pariter accedentes, si vobis ita esse constiterit, non obstante memorato rescripto per subreptionem obtento, eandem Ecclesiam cum prædictis Capellis fore subjectam, sicut primò fuerat Tarentinæ Ecclesiæ, sublato appellationis obstaculo, auctoritate apostolica decernatis, facientes quod decreveritis per censuram ecclesiasticam firmiter observari. Datum Laterani IV. Kal. Novembris.

DE LACU, DE HERMENROD,  
& de Heisterbach Abbatibus.

Epist. 199.  
Ipsis committitur  
causa &  
illis super præ-  
positura Colo-  
nienfi.

**C**um pro controversia majoris præposituræ Colonienfis, quæ vertitur inter dilectum filium T. Præpositum sanctorum Apostolorum ex una parte, & E. Præpositum sancti Georgij in Colonia ex altera, dilecti filij T. Canonici sancti Gereonis & H. sacerdos procuratores prædicti Præpositi sanctorum Apostolorum, & G. majoris Ecclesiæ & E. sancti Severini Canonici procuratores præfati Præpositi sancti Georgij, ad sedem apostolicam accessissent, & utriusque partis nobis litteras præsentassent, nil aliud postmodum de ipso negotio in conspectu nostro proponere curaverunt; sed post repræsentationem litterarum, secundò ad nostram præsentiam accedentes, unanimiter postulaverunt à nobis ut causam ipsam vobis committere deberemus. Nos igitur ad petitionem ipsorum causam vobis committentes eandem, discretionem vestram per apostolica scripta mandamus quatenus vocatis ad præsentiam vestram partibus,

audiatis quæ fuerint hinc inde proposita; & si fuerit de voluntate ipsarum ut ad diffinitivam sententiam procedatis, vos solum Deum habentes præ oculis, omni gratia, odio, vel timore postpositis, causam ipsam appellatione remota sine canonico terminetis. Si verò in hoc partes noluerint consentire ut per vos diffinitiva sententia proferatur, vos nihilominus usque ad sententiæ calculum sublato cujuslibet contradictionis & appellationis obstaculo procedentes, allegationes & gesta omnia utriusque partis, sigillorum vestrorum munimine roborata, nobis dirigere procuratis; terminum competentem partibus præfigentes, quo recepturæ sententiam nostro se debeant conspectui præsentare: ad quem si qua partium fortè venire contempserit, nos nihilominus in ipso negotio procedemus. Nullis litteris obstantibus præter assensum partium &c. Quòd si omnes &c. duo vestrum &c. Datum Laterani III. Nonas Novembris.

VNIVERSIS AD QVOS LITTERÆ  
istæ pervenerint.

**V**niversitatem vestram volumus non latere quòd nos venerabilis fratris nostri Tarentini Archiepiscopi fidem & prudentiam attendentes, ipsum unà cum nuntiis nostris aliis ad succursum & dispositionem regni Siciliæ destinamus, dantes ei liberam potestatem ut illis qui cum eo ad obsequium nostrum & Ecclesiæ Romanæ processerint, & fideliter ac devotè perstitierint, beneficia & præmia condigna retribuatur, & si quid damni acciderit in equis vel armis, quod absit, integrè studeat refarcire. Datum Laterani VIII. Idus Novembris.

CONRADO MAGVNTINO  
Archiepiscopo, Episcopo Sabinen.

**I**nter excessus alios animadversione dignissimos suo loco & tempore auctore Domino puniendos, illud est etiam nostro apostolatu referatum, quòd C. quondam Hildesemen. Episcopus Herbipolensem Ecclesiam ausu propriæ temeritatis usurpans, in ejus diocesi nonnullis beneficia conferre præsumpsit, in contemptum apostolicæ sedis, & ipsius Herbipolensis Ecclesiæ detrimentum. Nos igitur quòd ab ipso factum est in hac parte denuntiantes irritum & inane, quia devotionem tuam fumus in multis

Epist. 100.  
De facultati-  
bus Archiepi-  
scopi Tarenti-  
ni, Legati Apo-  
stolici.  
Vide infra epist.  
145. 180.

Epist. 201.  
Vt beneficia  
per Hildesem-  
ensem Episcopum  
in dioce-  
si Herbipolen-  
si collata,  
ipsi aliis con-  
ferre liceat,  
priori colla-  
tione non ob-  
stante.  
Vide supra lib.  
I. epist. 335.  
& infra epist.  
204. hujusm. lri.  
bri.

experti, ut beneficia ipsa personis idoneis appellatione remota valeas assignare; auctoritate tibi presentium indulgemus; firmiter inhibentes ne vel illis qui de manu eius beneficia receperunt, vel aliis qui ei jam excommunicato participare non sunt veriti vel etiam obedire, tanquam indignis, huiusmodi beneficia conferre praesumas. Nulli ergo &c. Datum Laterani V. Kalendas Novembris.

*CASTELLANO, PERUSINO, Clusino, & Eugubino Episcopis, & dilectis filiis Abbatibus, Prioribus, & aliis Ecclesiarum Prelatis in eorum diocesis constitutis.*

*Epist. 202. Ut Legatum apostolicum severitatem exerceat.*

**A**postolica sedes, quae disponente Domino inter omnes Ecclesias obtinet principatum, alios vocavit in partem sollicitudinis, retenta sibi plenitudine potestatis; ut quoniam Romanus Pontifex pro defectu conditionis humanae per se ipsum omnia expedire non potest, iuветur subsidiis aliorum, quibus vices suas committit, ad exemplum Domini & magistri, qui discipulos suos per mundum universum transmisit, salutem nostram in medio terrae personaliter operatus. Sanè cum nos & fratres nostros, propter curam & sollicitudinem apostolici patrimonij, ab occupationibus variis, quas pro statu Ecclesiarum omnium indefinenter subimus, saepius nos contigerit evocari, nolentes, sicut nec velle debemus, temporalia spiritualibus anteferre, de consilio fratrum nostrorum viam elegimus tutiorem, qua & curam temporalium non negligimus, & spiritualem, sicut convenit, praeferrimus dignitatem, dilectum filium nostrum G. sancti Georgij ad velum aureum Diaconum Cardinalem, apostolicae sedis Legatum, virum utique providum & prudentem, & honestate morum & generositate natalium commendandum, quem inter fratres nostros speciali caritate diligimus, ad ea quae praemisimus exequenda duximus assumendum, concessa sibi nihilominus potestate ut in Ecclesiis & parochiis vestro regimini deputatis evellat & destruat, aedificet & plantet, quae in eis evellenda & destruenda, aedificanda occurrerint & plantanda. Quocirca universitati vestrae per apostolica scripta praecipiendo mandamus quatenus ipsum, tanquam honorabile mem-

brum Ecclesiae & Legatum apostolicae sedis, recipientes humiliter & devotè, ipsius salubria monita & statuta & vos ipsi diligenter servetis, & à subditis vestris faciatis efficaciter observari. Nos enim sententiam quam in rebelles & contumaces rationabiliter duxerit promulgandam, ratam habebimus, & faciemus auctore Domino firmitatem debitam obtinere. Datum Laterani Idibus Octobris.

*Scriptum est super hoc in eandem modum Spoletan. Fulginat. Assisinas. Nucerinon. Reatinen. Narnien.*

*CONSULIBVS ET POPVLO Sutrinis.*

**C**um praeter solitum, immo plus solito, multis & magnis simus negotiis occupati, quae per nos ipsos facere non valemus, per alios cogimur adimplere. Sanè inter alias occupationes & sollicitudines nostras, curam & provisionem apostolici patrimonij non modicas reputamus, tam ad spiritualem jurisdictionem nostram spectantis quam etiam temporalem. Vnde nobis posset non immeritò imputari, si super ordinatione ipsius essemus tepidi vel remissi, qui cunctorum fidelium sollicitudinem gerimus pastorem. Novimus enim (quod tristes & dolentes referimus) quoniam in eo multi quae sua sunt, non quae Iesu Christi, quarentes, & abutentes per insolentiam sedis apostolicae patientia, pacem perturbant, corrumpunt iustitiam, stratam violant, & terram offendant, unde nobis & vobis non modicum derogatur. Cum igitur super his quae praemisimus emendandis cum fratribus nostris tractatum habuerimus diligentem, de ipsorum consilio dilectum filium nostrum G. sancti Georgij ad velum aureum Diaconum Cardinalem, virumobilem & prudentem, quem inter alios fratres nostros speciali diligimus caritate, operi tam utili & necessario deputantes, ut melius & facilius inunctum sibi officium valeat exercere, dilectum filium P. Praefectum urbis, virumobilem & potentem, sibi duximus adiungendum: quibus dedimus in mandatis ut stratam custodiant, pacem procurent, iustitiam faciant, & terram defendant, alia quoque nihilominus operentur quae ad honorem Dei, profectum Ecclesiae,

*Epist. 203. De eodem argumento.*